



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 117. Nebrissensis opera.

[urn:nbn:de:hbz:466:1-66495](https://nbn-resolving.org/urn:nbn:de:hbz:466:1-66495)

Sæc. XVI.
A.C. 1523.

§. CXVII.

Nebriffensis opera.

*Baillet. ju-
gem. des
Scav. tom. 3.
pag. 81.*

Posteritati reliquit Nebriffensis Lexicon Latino-Græco-Hebraicum & Rhetoricam ex Aristotele, Cicerone, & Quintiliano excerptam, necnon varios commentarios in Virgilium, Persium, Juvenalem, & Plinium, item in hymnos Prudentii edidit. Insuper tractatus de ponderibus, mensuris, & priscorum numeris scripsit, & Cosmographiam, Lexicon de jure, & Medicina: *duas decades rerum a Ferdinando & Isabella Catholicis Regibus gestarum*, necnon duos libros de bello Navarrico composuit. Ceteris vero Theologicis ejus operibus palmam præripuit ipsius *explanatio critica in sacrae Scripturae loca*, quam in centum quinquaginta animadversiones divisit, earum tamen nonnisi quinquaginta ad nos pervenerunt Parisinis, Antwerpensibus, ac Basileensibus literis excusæ, ac libro de magnis Angliæ criticis infertæ habentur. Ibidem exponit singulares verborum sensus, propriaque nomina, quorum in sacro Codice occurrentium significatio vel incognita, vel perperam a latino interprete versa fuit. Crispin adhibet in hoc opere ingenti profusus eruditione copiosam, ac curiosissimis

mis profanorum Scriptorum citationibus refertam. Adscribuntur etiam eidem quædam Homiliæ, expositio hymnorum & Orationum, quæ in Ecclesia decantari solent. Præterea quosdam ex epistolis D. Pauli, S. Petri & SS. Jacobi & Joannis, necnon ex Prophetis textus dilucidavit, ac collectionem Homiliarum in Evangelia scripsisse fertur.

Sæcul. XVI
A.C. 1523.

§. CXVIII.

*Palinodia Arnoldi de Bornoffio Ord.
FF. Eremitarum S. Augustini.*

Hoc anno die septima Mensis Julii Patet Arnoldus de Bornoffio ex Ordine FF. Eremitarum S. Augustini Theologice Doctor ex Parisiensis Facultatis Theologicæ jussu quasdam revocavit propositiones, quas in Scholis epistolam D. Pauli explicando protulit. Erant autem sequentes: I. Videtur post contritionem & satisfactionem Deus a peccatoribus nullam requirere pœnam aut satisfactionem, eoquod Christus sufficienter pro peccatis nostris satisfecisset, & debitam persolveret pœnam. II. Videtur, non fieri in dimissione culpæ mortalis commutationem pœnæ æternæ in temporalem, sed potius ubi culpa dimittitur, simul & merito passionis Christi omnis pœna tollitur. III. Non propter

Argent. Col-
lest. jud. t. I.
p. 403.
Dupin. Bibl.
des Aut. Ecc.
t. I 2. p 213.